



Laura Táunâjik, Siumut
Inatsisartunut ilaasortaq
/MAANI

Qilalukkat qaqortat qernertallu pillugit § 37 naapertorlugu apeqquteqaammut nr. 181-imut akissuteqaat

27-07-2016
Suliap nr. 2016-11340
Allakkat nr. 3092182

Inatsisartut suleriaasianni § 37, imm. 1 naapertorlugu Tunumi qilalukkat qaqortat qernertallu pillugit Naalakkersuisunut apeqqummik saqqummiussaqaqputit. Apeqqut uanga suliaasaqarfigisannit akineqartussanngorlugu innersuunneqarpoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

1-mut) Tunumi qilaluartassat pillugit suliniutit sumut killippat?

2-mut) Qilalukkanik kisitsinissaq ulloq suna aallartinniarpa?

1+2-mut)

Aalisarnermut, Piniarnermut Nunalerinermullu Naalakkersuisoqarfimmi qilalukkat qaqortat qernertallu suliarineqarneri allannguuteqanngillat 2016-imi qilalukkat qaqortanut qernertanullu apeqqutit §37-meersut eqqarsaatigalugit. Pinngortitaleriffimmit maannakkut siunnersorneqarneq kiisalu maanna 2016-imi Tunumi qilalukkanik qernertanik pisassiissutinut aalajangersarneqartunut tunngatillugu Naalakkersuisunit aalajangiinneqartut aallaavigalugit APNN sulivoq.

Piniartunit paasissutissat pissarsiarineqarsinnaasut tamaasa katersorniarlugit kiisalu allanut tunngatillugu Tunup sineriaani qilalukkat takuneqartut pillugit APNN Pinngortitaleriffik peqatigalugu eqeersimaartumik suliarpoq. Paasissutissat taakkua pigitin-nagit kalaallit nunaanni Tunup sineriaani qilalukkat qaqortat qassit tamaaniinersut aamma taakkua aqqusaartuunersut, imaluunniit aalajangersimasumik amerlussutsinut tunngaviliisuunersut piffissami matumani aalajangersimasumik oqaatigissallugu ajornakusoorpoq.

Pinngortitaleriffiup oqaatigaa, kalaallit nunaanni Tunup sineriaa atuarlugu augusti 2016-imi, qilalukkat qaqortat qernertallu amerlassutsimikkut katitigaanerat kiisalu taakkua amerlassusaat nalilersorinnaajumallugu timmisartumik kisitsinissamik pilersaarusiortutik. Kisitsinernit taakkunanga inaarutaasumik siunnersuuteqarneq qaqugu Naalakkersuisunut saqqummiunneqarumaarnersoq piffissami matumani APNN-ip oqaatigisinaanngilaa

3-mut) Siorna piniartut neriorsorneqarsimanagerat pisassat nungukkaangata qinnuteqaq-qittarsinnaanissaat qanoq piviusorsioortigiva?

4-mut) pisassat nungutsillugit qinnuteqartoqartillugu arlaleriarluni itigartitaasoqartarsimavoq. Apeqquteqaat nr. 3-mut sanilliullugu tamanna qanoq nassuiaatissaqarpa?

3+4-mut)

APNN-ip neriorsuut tamanna ilisimasaqarfigingilaa, aamma ataani atsiortumeersuungimmat, imaluunniit APNN-imut Naalackersuisuusimasumit pinngimmat, pisassiinermut, immikkut pisassiinermut taamatullu immikkut pisassinneqarnissaq pillugu qinnuteqaammut itigartitsinermut, nalinginnaasumik sulianik ingerlatseriaatsit malinneqartartut avaqqullugit APNN tunngavilersorsinnaangilaq.

Ukioq kingulleq Tasiilamut qilalukkat qernertat qulit immikkut pisassiissutitut Naalackersuisunit ull. 17. septembari 2015-imi neriorsuutigineqarput. Immikkut pisassiisutigineqartut ukiumi qinnuteqarfiusumi taamaallaat atorineqarsinnaapput, naak nungunngikkaluarlugit ukiup tullianut pisassiissutinut ilaasinnaangillat.

Naggataatigut oqaatigineqassaaq, ullumi akissutip matuma allannerani, Tasiilami qilalukkanut qernertanut 2016-imut pisassiissutit suli nungunneqanngimmata, 16-iusunit 15-nit pisarineqarput.

Inussiarnersumik Inuulluaqqusillunga

Nikolaj Jeremiassen